

四庫全書

子部

欽定四庫全書

冊府元龜卷三百九十四 宋 王欽若等 撰

將帥部

勇敢

夫勇敢強有力者聖王之所貴也天下有事用之於戰
勝則無敵矣是故為三軍之帥專四征之任也非抗威
奮厲孔武有力何以率乎下非致師當寇先登敢死何
以成其功哉歷代而下當其任者固有英果邁衆臨敵

賈勇冒矢石而靡憚衽金草而無厭推鋒蹈刃雄呼直
邊用能摧堅陣破勅寇扶危紆難樹勲揚烈圖鍾鼎而
不朽載策府而垂裕詩曰舍命不渝傳曰率義之謂勇
蓋與夫暴虎憑河死而無悔者異矣

高固齊大夫也魯成公二年三卿帥師會晉師及齊侯戰

於鞏

鞏齊地

高固入晉師築石以投人

築

禽之而乘其車

既獲其人因釋已車而載所獲者車

繫桑本焉以徇齊壘

將至齊壘以桑樹繫車而走以

自曰欲勇者賈其餘勇

賈買也言已勇有餘故賣也

解張晉大夫鞍之戰邠夏御齊侯逢丑父為右晉解張

御卻克鄭丘緩為右齊侯曰余姑翦滅此而朝食姑且也翦

盡不介馬而馳之介甲也卻克傷於矢流血及屨未絕鼓

音中軍將自執旗鼓故雖傷而擊鼓不息曰余病矣張侯曰自始合矢貫

余手及肘余折以御左輪朱殷豈敢言病吾子忍之張侯

解張也朱血色血色久則殷殷音近烟今人謂赤黑為殷色言血多污車輪御猶不敢息緩曰自始

合苟有險余必下推車子豈識之然子病矣以其不識已推車

張侯曰師之耳目在吾旗鼓進退從之此車一人殿之

可以集事

殿鎮也 集成也

若之何其以病敗君之大事也擐甲

執兵固即死也

擐貫也 即就也

病未及死吾子勉之左并轡右

援枹而鼓馬逸不能止師從之

晉師從 卻克車

齊師敗績遂之

三周華不注

華不注 山名

孟孺子速魯人也襄公十六年秋齊侯圍郕

郕魯孟氏 邑貳晉故

魯孟孺子速徼之

孟獻子之子莊 子速也徼要也

齊侯曰是好勇去之

以為之名速遂塞海陘而還

海陘魯 隘道

涉佗晉大夫魯定公十年晉趙鞅圍衛報夷儀也

齊為 衛伐

晉夷儀故伐初衛侯伐邯鄲午於寒氏邯鄲廣平縣也

衛以為報寒氏即城其西北隅而守之宵燔及晉圍衛午以午衆宵散

徒七十人門於衛西門殺人於門中曰請報寒氏之役

衛開門與午鬪涉佗曰夫子則勇矣然我往必不敢啟門亦以

徒七十人旦門焉步左右皆至而立如植至其門下步行左右然後

立待如立木不動示整日中啟門乃退

冉求魯人哀公十一年齊國書帥師伐魯孟孺子洩帥

右師冉求帥左師戰於郊獲甲首八十冉求所得齊人不能

師不得整其師宵諒曰齊人遁也諒周冉有請從之三季孫弗

許冉有用矛於齊師故能入其軍孔子曰義也言能以義勇冉

有冉求也

彌庸吳王孫也魯哀公十三年越子伐吳為二隧隧道也

疇無餘謳陽自南方二子越大夫先及郊吳太子友王子地

王孫彌庸壽於姚自泓上觀之觀越師彌庸見姑蔑之

旗姑蔑越地今東陽大宋縣彌庸父為越所獲故姑蔑人得其旌旗曰吾父之旗也不可

以見讐而弗殺也太子曰戰而不克將亡國請待之彌

庸不可屬徒五千屬會也王子地助之戰彌庸獲疇無餘

地獲謳陽

荀瑶晉大夫知伯襄子也魯哀公二十三年荀瑶伐齊

荀瑶荀躒之孫智伯襄子

齊高無平帥師禦之智伯視齊師馬駭遂

驅之曰齊人知余旗其謂余畏而反也及壘而還戰於

犁丘

犁丘濕也

齊師敗績知伯親擒顏庚

顏庚齊大夫顏涿聚

漢黥布六人

六縣名

章邯之滅陳勝布引兵擊秦左右

校破之引兵而東擊景駒秦嘉等布常冠軍

言其驍勇為衆軍之

最

樊噲初號武威君時沛公從百餘騎因項伯面見項羽

謝無有閉關事項羽既饗軍士中酒

飲酒之中也不醉不醒故謂之中

亞父欲謀殺沛公令項莊拔劍舞坐中欲擊沛公項伯

常屏蔽之時獨沛公與張良得入坐樊噲居營外聞事

急迺持盾入初入營營衛止噲

營衛謂營壘之守衛者

噲直撞入

立帳下

謂以盾撞擊人

項羽目之問為誰張良曰沛公參乘樊噲

也項羽曰壯士賜之卮酒彘肩噲既飲酒拔劍切肉食

之項羽曰能復飲乎樊噲曰臣死且不辭豈特卮酒乎

且沛公先入定咸陽暴師霸上以待大王

時項羽未爲王故高紀云以待

將軍大王今日至聽小人之言與沛公有隙臣恐天下解

心疑大王也項羽默然沛公如廁麾噲去既出沛公留

車騎獨騎馬噲等四人步從從山下走歸霸上軍而使

張良謝項羽亦因遂已也已止無誅沛公之心

曹參沛人也高祖為沛公參以中涓從攻轅戚及亢父

先登北救東阿擊章邯軍陷陣

夏侯嬰為太僕從擊陳豨黥布軍陷陣郤敵

周勃沛人也高祖為沛公初起勃以中涓從攻胡陵下
方與方與反與戰郤敵又下下邑先登擊章邯車騎殿

攻蓄桑先登

殿之言填也謂鎮軍后以扞敵勃擊破章邯之殿兵也殿音丁見切

酈商以將軍從擊燕王臧荼戰龍脫

地名在燕趙之地

先登陷

陣破荼軍易下

易縣也

郤敵又從擊黥布攻其前垣

垣方陣也

陷兩陣得以破布軍

李廣為上郡太守匈奴侵上郡景帝使中貴人從廣

臣內

之貴幸者勒習兵擊匈奴中貴人者將數十騎從

將數十騎自隨在大

軍前行而忽遇敵也見匈奴三人與戰射傷中貴人殺其騎且盡

中貴人走廣也走趨廣曰是必射鵰者也

鵰大鷲鳥也一名鷲黑色翻可

以為箭羽廣乃從百騎往馳三人疾馳逐三人亡馬步行行

數十里廣令其騎張左右翼旁引其騎若鳥翼然而廣身自射彼

三人者殺其二人生得一人果匈奴射鵰者也後為郎

中令將四千騎出右北平博望侯張騫將萬騎與廣俱

異道行數百里匈奴左賢王將四萬騎圍廣廣軍士皆

恐廣乃使其子敢往馳之敢從數十騎直貫胡騎出其

左右而還報廣曰敵騎易與耳軍士乃安為圍陣外

鄉胡急擊矢下如雨漢兵死者過半漢矢且盡廣乃令

持滿毋發

注矢於弓弩而引
滿之不發矢也

而廣身自以大黃射其裨

將

黃肩弩即黃間也
大黃其大者也

殺數人敵兵益解會暮吏士無人

色

言懼甚

而廣意氣自如

自如猶
云如舊

益治軍

巡部曲正
行陳也

軍中

服其勇也明日復力戰而博望侯亦至匈奴乃解去

霍去病大將軍衛青姊少兒之子再從大將軍受詔子

壯士為粟姚校尉與輕勇騎八百直棄大將軍數百里

赴利斬捕首虜過當

言計其所將人數則捕首虜為多過於所當也一曰漢軍失亡者少而

殺獲匈奴數多故曰過當也

李陵廣之孫武帝以為陵有廣之風使將八百騎深入

匈奴二千餘里過居延視地形不見虜還拜為騎都尉

趙充國為人沉勇有大略武帝時以假司馬從貳師將

軍擊匈奴大為虜所圍漢軍乏食數日死傷者多充國

迺與將士百餘人潰圍陷陳貳師引兵隨之遂得解身

被二十餘創貳師奏狀詔徵充國詣行在所武帝親視
創嗟歎之

辛慶忌為校丞隨長羅侯常惠屯兵烏孫赤谷城與歙

侯戰

歙即翁字也歙侯烏孫官名

陷陣卻敵

後漢王常為漢中將軍從光武進攻下邳常部當城門
戰一日數合賊反走入城常追迫之城上射矢雨下帝從
百餘騎自城南高處望常戰力甚馳遣中黃門詔使引
還賊遂降

來歙為中部將與征虜將軍祭遵襲略陽遵道病還分

遣精兵隨歙合二千餘人伐山開道從番須回中

番須回中

並地名番音盤武帝元封四年幸雍通回中道前書音義曰回中在汧汧今隴州汧源縣也

徑至略

陽斬隗囂守將金梁因保其城囂大驚曰何其神也

張宗為偏將軍從鄧禹軍到栒邑赤眉大衆且至禹以

栒邑不足守欲引師進就堅城而衆人多畏賊追憚為

後拒禹乃書諸將名於竹簡署其前後亂著笥中令各

探之宗獨不肯探云死生有命張宗豈辭難就逸乎禹

歎息謂曰將軍有親弱在營奈何不顧宗曰愚聞一卒畢力百人不當萬夫致死可以橫行宗今擁兵數千以承天威何遽知其必敗乎遂留為後拒諸營既引兵宗方勒厲軍士堅壘以死當之禹到前縣議曰以張將軍之衆當百萬之師猶以小雪投沸湯雖欲戮力其勢不全也乃遣步騎二千人反還迎宗宗引兵始發而赤眉卒至宗與戰卻之乃得還營於是諸將服其勇還到長安夜將銳士入城襲赤眉中矛貫脾又轉攻諸營堡為

流矢所激皆幾至於死

馮異為征虜將軍時隗囂死其將王元周宗等復立囂子純猶總兵據冀光武復令異行天水太守事與諸將共攻冀不能拔欲且還休兵異固持不動常為衆軍鋒賈復為都護將軍從光武擊青犢於射犬大戰至日中賊陳堅不卻光武傳召復曰吏士皆饑可且朝飯復曰先破之然後食爾於是被羽先登所向皆靡賊乃敗走諸將咸服其勇又北與五校戰於真定大破之復傷創

甚光武大驚曰我所以不令賈復別將者為其輕敵也
果然失吾名將復病尋愈追及光武於薊相見甚懼大
饗士卒令復居前擊鄴賊破之復從征伐未嘗喪敗數
與諸將潰圍解急身被十二創帝以復敢深入希令遠
征而壯其勇節常自從之故復少方面之勲

吳漢擊蜀
未破上書

請復自助
上不遣

吳漢光武即位拜為大司馬常修弓戰之具每當出師
朝受詔夕即引道初無辦嚴之日

嚴即
裝也

陳俊為安集掾從光武擊銅馬於青陽進至滿陽拜疆
弩將軍與五校戰於安次俊下馬手接短兵所向必破
追奔二十餘里斬其渠帥而還光武望而歎曰戰將盡
如是豈有憂哉

臧宮初為校尉從光武征戰諸將多稱其勇及至河北
以為偏將軍從破羣賊數陷陣却敵後為輔威將軍討
公孫述於蜀前後收得節五印綬千八百是時大司馬
吳漢亦乘勝進營逼成都宮連屠大城兵馬旌旗甚盛

乃乘兵入小雒郭門歷成都城下至吳漢營飲酒高會
漢見之甚懼謂宮曰將軍向者經虜城下震揚威靈風
行電照然窮寇難量還營願從他道矣宮不從復路而
歸賊亦不敢近之

耿弇為大將軍從光武擊破銅馬高湖赤眉青犢又追
尤來大槍五幡於元氏弇常將精騎為軍鋒輒破走之
後遷建威大將軍討張步鋒交乃自引精兵以橫突步
陳大破之有飛矢中弇股以佩刀截之左右無知至暮

罷明旦復勒兵出大戰自旦及昏大破之殺傷無數

鈿期為偏將軍從光武擊王郎將兜宏劉奉於鉅鹿下

期先登陷陣手殺五十餘人被創中額攝憤

攝猶正也

復戰

遂大破之拜虎牙大將軍又從擊青犢赤眉於射犬賊
襲期輜重期還擊之手殺傷數十人身被三創而戰方
力遂破走之

祭遵為征虜將軍與諸將入箕關南擊宏農厭新栢革
蠻中賊弩中遵口洞出流血衆見遵傷稍引退遵呼叱

止之士卒戰皆自倍遂大破之

祭彤為遼東太守虜每犯塞彤常為士卒先鋒數破走之

景丹為偏將軍號奉義侯從光武擊王郎將兜宏等於

南嶽兜音五兮切即兵迎戰漢軍退卻續漢書曰南嶽賊迎擊上營得上鼓車輜

重數乘也丹等縱突騎擊大破之追奔十餘里死傷者縱橫

丹還光武謂曰吾聞突騎天下精兵今乃見其戰樂可

言邪

堅鐔為揚化將軍與右將軍萬脩徇南陽諸縣而堵鄉人董訢反宛城獲南陽太守劉麟鐔乃引兵赴宛選敢死士夜自登城斬關而入訢遂棄城走還堵鄉鄧奉復反新野攻破吳漢時萬脩病卒鐔獨孤絕南拒鄧奉北當董訢每急輒先當矢石身被三創以此能全其眾馬武為振威將軍從擊尤來五幡等敗於慎水武獨殿還陷陣故賊不得迫及進至安定次小廣陽武常為軍鋒力戰無前諸將皆引而隨之故遂破賊又與建威大

將軍耿弇西擊隗囂漢軍不利引下隴囂追急武選精騎還為後拒身被甲持戟奔擊殺數千人囂軍乃退

馬援為伏波將軍援常有病梁松來候之援不言松由是恨之及武威將軍劉尚擊武陵五溪蠻夷深入軍沒援因復請行時年六十二光武愍其老未許之援自請曰臣尚能披甲上馬帝令試之援據鞍顧盼以示可用帝笑曰矍鑠哉是翁也矍鑠勇貌也遂遣援率中郎將馬武耿舒劉匡孫永等將十二郡募士及苑刑四萬餘人征

五溪

魯竒為偏將軍時公孫述遣其將任滿田戎程汎將數萬人乘枋單下江關擊破馮駿及田鴻李元等遂拔夷道夷陵據荆門虎牙橫江水起浮橋闢樓立攢柱絕水道結營山上以拒漢兵南征大將軍岑彭數攻之不利於是裝直進樓船冒突露橈數千艘乃命軍中募攻浮橋先登者上賞於是偏將軍魯竒應募而前時天風狂急彭竒船逆流而上直衝浮橋而攢住鈎不得去

又云時天東風其攢住有反把

鈎船不得去奇等乘勢殊死戰因飛炬焚之風怒火盛橋樓

崩燒彭復悉軍順風並進所向無前蜀兵大亂

耿秉為駙馬都尉明帝永平十七年詔舉奉軍都尉竇固合兵萬四千騎復出白山擊車師車師有後王前王前王即後王之子其庭相去五百餘里固以後王道遠山谷深士卒寒苦欲攻前王秉議先赴後王以為并力根本則前王自服固計未決秉奮身而起曰請行前乃上馬引兵北入衆軍不得已遂進並縱兵抄掠斬首數

千級收牛馬十餘萬頭遂降前後王定車師而還

秉性
勇壯

而簡易於是軍行
常自披甲在前

梁懂孝殤延平初為西域副校尉受詔當屯金城聞羌
轉寇三輔迫近園陵即引兵赴擊之轉戰武功美陽閔
懂臨陣被創不顧連破走之盡還得所掠生口獲馬畜
財物甚衆羌遂奔散朝廷嘉之數璽書勞勉委以西方
事令為諸軍節度

李膺為烏丸校尉時鮮卑數犯塞膺嘗蒙矢石每破之

虜甚憚懾

謝承書曰膺嘗率步騎臨陣交戰被創痕拭血進戰遂破寇斬首二千級

蓋勳靈帝中平中為漢陽長史時叛羌圍護羌校尉夏

育於畜官勳與州郡合兵救育至孤槃為羌所破勳收餘衆

百餘人為魚麗之陳羌精騎夾攻之急士卒多死勳被

三創堅不動乃指木表

表標也

曰必尸我於此句就種羌

滇吾

句就羌別種也句音古侯切

素為勳所厚乃以兵扞衆曰蓋長

史賢人汝曹殺之者為負天勳仰罵曰死反虜汝何知

促來殺我衆相視而驚滇吾下馬與勳不肯上遂為賊

所執羌戎服其義勇不敢加害送還漢陽

馬騰字壽成靈帝末為軍司馬先是涼州刺史耿鄙任
信姦吏民王國等及氐羌反叛州郡募發民中有勇力
者欲討之騰在募中州郡異之署為軍行事典領部衆
討賊有功

呂布為奮威將軍布既殺董卓卓部曲將李傕郭汜等
復舉兵攻長安城汜在城北布開城門將兵就汜言且
却兵但身決勝負汜布乃獨共對戰布以矛刺中汜汜

後騎遂前救汜汜布遂各兩罷布歸袁紹紹與布擊張
燕於常山燕精兵萬餘騎數千布常御良馬曰赤兔能
馳城飛塹時人語曰人中有
呂布馬中有赤兔與其健將成廉魏越等十
數騎一日或至三四馳陳皆斬首而出連戰十數日遂

破燕軍

公孫瓚為遼東屬國長史嘗從數十騎出行塞下卒逢
鮮卑數百騎瓚乃退入空亭約其從者曰今如奔走則
死盡矣乃自持兩刃矛馳出衝賊殺傷數十人瓚左右

亦亡其半遂得免

閻健行後名豔字彥明少有健名始為小將隨韓約建安初與馬騰相攻擊騰子超亦號為健健行嘗刺超矛折因以折矛槓超項幾殺之

丁原為執金吾粗略有勇善射受使不辭有警急追寇虜輒在前

魏曹仁為督騎太祖征張繡仁別徇旁縣虜其男女二千餘人太祖軍還為繡所追軍不利士卒喪氣仁率勵

將士甚奮太祖壯之遂破繡後封都亭侯從太祖平荊州以仁行征南將軍留屯江陵拒吳將周瑜將數萬衆來攻前鋒數千人始至仁登城望之乃募得三百人遣部曲將牛金逆與挑戰賊多金兵少遂為所圍長史陳矯俱在城上望見金等垂沒左右皆失色仁意氣奮怒甚謂左右取馬來矯等共援持之謂仁曰賊衆盛不可當也假使棄數百人何苦而將軍以身赴之仁不應遂被甲上馬將麾下壯士數十騎出城去賊百餘步迫溝

矯以為仁當住溝上為金形勢也仁徑渡溝直衝入賊
圍金等乃得解眾未盡出仁復直還突之拔出金兵亡
其數人賊眾乃退矯等初見仁出皆懼及見仁還乃歎
曰將軍真天人也三軍服其勇太祖益壯之轉封安平
亭侯

李通為征南將軍時蜀主劉備與周瑜圍曹仁於江陵
別遣關羽絕北道通率眾擊之下馬拔鹿角入圍且戰
且前以迎仁軍勇冠諸將

張遼為盪寇將軍從太祖征袁尚於柳城卒與虜遇遼
勸太祖戰氣甚奮太祖壯之自以所持麾授遼遂擊大
破之斬單于蹋頓及陳蘭梅成叛太祖討之蘭入潛山
中有天柱山遼遂進軍斬蘭成首太祖論功曰登天山
履峻險遼之功也贈封假節孫權率十萬衆圍合肥遼
募其敢死者八百人登鋒陷陣大破之

于禁為裨將軍從太祖還官渡與袁紹連營起土山相
對紹射營中士卒多死傷軍中懼禁督守土山力戰氣

益奮紹破授偏將軍

許褚為都尉從太祖征張繡先登斬首萬計遷校尉又從討韓遂馬超於潼關其後太祖與遂超等單馬會語左右皆不得從唯將褚赴會超負其力陰欲前突太祖素聞褚勇疑從騎是褚乃問太祖曰公有虎侯安在太祖顧指褚褚瞋目盼之超不敢動乃各罷後數日會戰大破超等褚身斬首級遷武衛中郎將軍中以褚力如虎而癡故號曰虎癡

典韋拜司馬時太祖討呂布於濮陽布有別屯在濮陽西四五十里太祖夜襲比明破之未及還會布救兵至三面掉戰時布身自搏戰自旦至日昃數十合相持急太祖募陷陣韋先占將應募者數千人皆重衣兩鎧棄楯但持長矛撩戰時西面又急韋進當之賊方弩亂發矢至如雨韋不視謂等人曰虜來十步乃白之等人曰十步矣又曰五步乃白等人懼疾言虜至矣韋手持十餘戟大呼起所抵無不應手倒者布衆退會日暮太祖

乃得引去拜韋都尉引置左右將親兵數百人常繞大帳韋既壯武其所將皆選卒每戰鬪常先登陷陣遷為校尉好酒食飲噉兼人每賜食於前大飲長歎左右相屬數人益乃供太祖壯之太祖征荊州至宛張繡迎降太祖甚悅延繡及其將帥置酒高會太祖行酒韋持大斧立後必徑尺太祖所至之前常輒舉斧目之竟酒繡及其將帥莫敢仰視後十餘日繡反襲太祖營太祖出戰不利輕騎引去韋戰於門中賊不得入兵遂散從他

門並入時韋校尚有十餘人皆殊死戰無不一當十賊
前後至稍多韋以長戟左右擊之一义入輒十餘矛摧
左右死傷者略盡韋被數十創短兵接戰賊前搏之韋
雙挾兩賊擊殺之餘賊不敢前韋復前突賊殺數人創
重發瞋目大罵而死賊乃敢前取其頭傳觀之覆軍就
視其軀

孫觀為青州刺史從太祖征吳於濡須口假節攻孫權
為流矢所中傷左足力戰不顧太祖勞之曰將軍被創

深重而猛氣益奮不當為國愛身乎轉振威將軍創甚
遂卒

田豫文帝初為護烏丸校尉烏丸王骨進桀黠不恭豫
因出塞案行單將麾下百餘騎入進部進逆拜遂使左
右斬進顯其罪惡以令眾眾皆怖懼不敢動便以進弟
代進自是胡人破膽威震沙漠

夏侯霸淵之子淵為蜀所害故霸常切齒欲有報蜀意
文帝黃初中為偏將軍子午之役霸召見為前鋒進至

興世圍安營在曲谷中蜀人望知其是霸也指下兵攻之霸手戰鹿角間賴救至然後解

孫禮齊王正始初為揚州刺史伏波將軍時吳大將全琮帥數萬眾來侵寇時州兵休使在者無幾禮躬勒衛兵禦之戰於芍陂自旦及暮將士死傷過半禮犯蹈白刃馬被數創手秉枹鼓奮不顧身賊眾乃退

蜀關公為先主別部司馬曹公東征先主奔袁紹禽公以歸拜偏將軍紹遣大將軍顏良攻東郡太守劉延於

白馬曹公使張遼及公為先鋒擊之公望見良麾蓋策
馬刺良於萬衆之中斬其首還紹諸將莫能當者遂解
白馬圍及先主西定益州拜公董督荊州事公嘗為流
矢所中貫其左臂後創雖愈每至陰雨骨嘗疼痛醫曰
矢鏃有毒入於骨當破臂作創刮骨去毒然後此患乃
除爾公便舉臂令醫劈之時公適請諸將飲食相對臂
血流離盈於盥器而公割炙引酒言笑自若

張飛字益德為中即將曹公入荊州先主奔江南曹公

追之一日一夜及於當陽之長阪先主聞曹公卒至棄妻子走使飛將二十騎拒後飛據水斷橋瞋目橫矛曰身是張益德也可來共決死敵皆無敢近者故遂得免

黃忠初為劉表中郎將及曹公克荊州假行裨將軍後從先主入蜀自葭萌受任還攻劉璋忠常先登陷陣勇毅冠三軍益州既定拜討虜將軍又於漢中定軍山擊夏侯淵淵衆甚精忠推鋒必進勸率士卒金鼓振天譴聲動谷一戰斬淵

趙雲為翊軍夏侯淵敗曹公爭漢中地運米北山下數
千萬囊黃忠以為可取雲兵護忠取米忠過期不還雲
將四十騎輕行出圍迎視忠等值曹公揚兵大出雲為
曹公前鋒所擊方戰其大衆至勢偪遂前突其陣且戰
且却曹公軍散已復合雲陷敵還趣圍將張著被創雲
復馳馬還營迎著曹公軍追至圍沔陽長張翼在圍內
欲閉門拒守而雲入營更大開門偃旗息鼓曹公疑雲
有伏兵引去雲雷鼓振天惟以弓弩於後射曹公軍曹

公軍驚駭自相蹂踐墮漢水中死者甚多先主明日自來至雲營圍視昨戰處曰子龍一身都是膽也軍中號雲為虎威將軍

吳周泰字幼平九江下蔡人也與蔣欽隨孫策為左右服事恭謹數戰有功策入會稽署別部司馬授兵權愛其為人請以自給策討六縣山賊權住宣城使士自衛不能千人意尚忽略不治圍落而山賊數千人卒至權始得上馬而賊鋒亦已交於左右或斫中馬鞍眾莫能

自定唯秦奮激投身衛權膽氣倍人左右由秦並能就
戰賊既解散身被十二創良久乃蘇是日無秦權幾危
殆策深德之

程普為丹陽都尉從孫策征討策常攻祖郎大為所圍
普與一騎共蔽扞策驅馬疾呼以矛突賊賊披策因隨
出後拜盪寇中郎將

凌操輕俠有膽氣孫策初興每從征伐常冠軍履鋒
黃蓋初為郡吏孫堅舉義兵蓋嘗從之堅薨又隨策及

大帝擢甲周旋蹈办屠城諸山越不宥有寇讐難理之
縣輒用蓋為守長

潘璋為武猛校尉合肥之役張遼奄至諸將不備陳武
鬪死宋謙徐盛皆披走璋身次在後便馳進橫馬斬謙
盛兵走者二人兵皆還戰大帝甚壯之拜偏將軍

周瑜為中護軍時曹仁圍甘寧於夷陵寧告急於周瑜
瑜用呂蒙計留凌統以守其後身與蒙上救寧寧圍既
解乃渡屯北岸克期大戰瑜親跨馬櫟陣會流矢中右

脅瘡甚便還後仁聞瑜卧未起勒兵就陣瑜乃自興案
行軍營激揚吏士仁繇是遂退

凌統行破賊都尉從大帝征江夏統為前鋒與所厚健
兒數十人共乘一船常去大兵數十里行入右江斬黃
祖將張碩盡獲舩人還以白大帝引軍兼道水陸並集
時呂蒙敗其水軍而統先搏其城於是大獲大帝以統
為承烈都尉又從破皖拜盪寇中郎將從征合肥為右
部督時大帝徹軍前部已發魏將張遼等奄至津北權

使追還前兵兵去已遠勢不相及統率親近三百人陷圍
扶扞大帝出敵已毀橋橋之屬者兩版大帝策馬驅馳
統復還戰左右盡死身亦被創所殺數十人度大帝已
免乃還橋敗路絕統被甲潛行大帝既御船見之驚喜
統痛親近無返者悲不自勝大帝引袂拭之呼其字曰
公績亡者已矣苟使卿在何患無人統創甚大帝遂留
統於舟盡易其衣服其創賴得卓氏良藥故得不死

董襲為大帝偏將軍大帝討黃祖祖橫兩蒙衝挾守沔

口以楛間大紲繫石為矧上有千人以弩交射飛矢雨
下軍不得前襲與凌統俱為前部各將敢死百人人被
兩鎧乘大舸舩突入蒙衝裏襲身以刀斷兩紲蒙衝乃
橫流大兵遂進祖便開門走兵追斬之明日大會大帝舉
觴屬襲曰今日之會斷紲之功也

徐盛為中郎將督校兵曹公出濡須從大帝禦之魏嘗
大出橫江盛與諸將俱赴時乘蒙衝遇迅風舩落敵岸
下諸將恐懼未有出者盛獨將兵上突斫敵敵披退走

有所傷殺風止便還大帝大壯之

甘寧巴郡臨江人後歸大帝遂授兵屯富口後隨魯肅鎮益陽拒關羽羽號有三萬人自擇選銳士五千人投縣上流十餘里有淺瀨云欲夜涉渡肅與諸將議寧時有三百兵乃曰可復以五百人益吾吾往對之保羽聞吾咳唾不敢涉水涉水即為吾禽肅便選千兵益寧寧乃夜往羽聞之住不渡而結砦

後名其處為關羽瀨

營大帝嘉寧

功拜西陵太守後從攻皖為升城督寧手持練身緣城

為吏士先卒破獲朱光拜折衝將軍後曹公出濡須寧
為前部督受勅出斫敵前營大帝特賜米酒衆散寧乃
料賜手下百餘人食食畢寧先以銀盃酌酒自飲兩盃
乃酌與其都督都督伏不肯持時寧引白削置膝上呵
謂之曰卿見知於至尊孰與甘寧甘寧尚不惜死卿何
以獨惜死乎都督見寧色厲即起拜持酒次通酌兵各
一銀盃至二更時銜枚出斫敵敵驚動遂退寧益貴增
兵二千人

又云曹公出濡須號步騎四十萬臨江飲馬
大帝率衆七萬應之使寧領三千人為前部

都督大帝密勅寧使夜入魏軍寧乃選手下健兒百餘人徑詣曹公營下拔鹿角壘入營斬得數十級北軍驚駭鼓譟舉火如星寧已還入營作鼓吹稱萬歲因夜見大帝大帝大喜曰足以警駭老子否聊以觀卿膽耳即賜絹千匹刀百口大帝曰孟德有張遼孤後從攻合肥有興霸足相敵也得住月餘北軍便退

會疫疾軍旅皆已引出唯車下虎士千餘人并呂蒙將欽凌統及寧從大帝逍遙津北張遼覘望知之即將步騎奄至寧引弓射敵與統等死戰寧厲聲問鼓吹何以不作壯氣毅然大帝尤嘉之

丁奉廬江安豐人少以驍勇為小將屬甘寧陸遜潘璋

等數隨征伐戰鬪常冠軍每斬將搃旗身被瘡痍稍遷
偏將軍會稽王即位為冠軍魏諸葛誕等攻東興諸葛
恪率兵拒之及恪上岸奉與將軍唐咨呂據留贊等俱
從山西上奉曰今諸軍行遲若敵據便地則難與爭鋒
矣乃辟諸軍使下道帥麾下三千人徑進時北風舉帆
二日至遂據徐塘天寒雪敵諸將置酒高會奉見其前
部兵少相謂曰取封侯爵賞正在今日乃使兵解鎧著
冑持短兵敵人從而笑焉不為設備奉縱兵斫之大破

敵前也會據等至魏軍遂潰遷滅寇將軍魏將文欽來降以奉為虎威將軍從孫峻至壽春迎之與敵追軍戰於高亭奉跨馬持矛突入其陣中斬首數百獲其軍器進封安豐侯太平二年魏大將軍諸葛誕據壽春來降魏人圍之遣朱異唐咨等往救復使奉與黎斐解圍奉為先登屯於黎漿力戰有功

朱績字公緒為建忠都尉領督父兵隨太常潘濬討五溪以膽力稱遷偏將軍

留贊為屯騎校尉諸葛恪征東贊為前部合戰先陷陣
大敗魏師遷左將軍贊為將臨敵必先被髮呌天因抗
音而歌左右應之畢乃進戰戰無不克

晉吳彥字士則初為小將吳大司馬陸抗竒其勇略將
擢用之患衆情不允乃會諸將密使狂人拔刀跳躍而
來坐上諸將皆懼而走唯彥不動舉几禦之衆服其勇
乃擢用焉

周訪為振武將軍征杜弢而賊從青草湖密鈔官軍又

遣其將張彥陷豫章焚燒城邑王敦時鎮湓口遣督護
繆弢李恒受訪節度共擊彥弢於豫章石頭與彥交戰
彥軍退走訪率帳下將李午等追破彥其臨陣斬彥時
訪為流矢所中折前兩齒形色不變

郭默為右將軍默為人勇健嘗身被重甲跳三丈矛時
人莫不憚之

陶輿侃之兄子為武威將軍及侃與杜弢戰敗賊以枯
棹打沒官軍船艦軍中失色輿率輕舸出其上流以擊

之所向輒尅賊又率衆將焚侃輜重輿又擊破之自是
每戰輒尅賊望見輿軍相謂曰避陶武威無敢當者
桓石虔有才幹矯捷絕倫為寧遼將軍嘗從桓温入關
叔冲為苻健所圍垂没石虔躍馬赴之拔冲於數萬衆
中而還莫敢抗者三軍歎息威震敵人

朱向為明威將軍石勒夏口之戰向用鐵面自衛以弩
的射賊大帥數人皆殺之賊挽船上岸於水邊作陣向
逐水上下以邀之箭中其脛氣色不變諸軍尋至賊潰

追擊之皆乘船投水死

毛寶為廬江太守祖約遣祖煥桓撫等欲襲湓口陶侃使寶擊之先是桓宣背約南屯馬頭山為煥撫所攻求救於寶眾以宣本是約黨疑之宣遣子戎重請寶即隨戎赴之未至而賊已與宣戰寶軍懸兵少器械濫惡大為煥撫所破寶中箭貫髀徹鞍使人蹋鞍拔箭流血滿鞞夜奔船所百餘里望星而行到先哭戰亡將士洗滄訖夜還救宣寶至宣營而煥撫亦退又與陶侃等討蘇峻

峻既死，匡術以苑城降侃，使寶守南城，鄧嶽守西城，賊遣韓浼攻之。寶登城射殺數十人，浼問寶曰：「君是毛廬？」江邪寶曰：「是浼。」曰：「君名壯勇，何不出鬪？」寶曰：「君若健將，何不入鬪？」浼笑而退。

劉遐性果毅，便弓馬，開豁勇壯，值天下大亂，遐為塢主，每擊賊，率壯士陷堅摧鋒，冀方比之張飛關羽。

鄧遐為冠軍將軍，勇力絕人，氣蓋當時。時人方之樊噲，數從桓溫征伐襄陽城，北沔水中有蛟，嘗為人害，遐遂

拔劍入水蛟龍繞其足遐揮劍截蛟數段而出

劉牢之為謝玄參軍玄鎮廣陵牢之領精銳為前鋒百戰百勝

蔡裔仕偽趙為振武將軍少有武力呼聲若雷嘗有盜入室裔撫几一呼賊衆皆殞時人憚之

宋檀韶為寧朔將軍從征廣固率向彌胡藩等五十人攻臨朐城克之及圍廣固慕容超夜燒樓當韶圍分降城陷之日韶率先登

劉懷肅為振武將軍劉道規司馬桓振襲江陵荊州刺史司馬休之出奔懷肅自雲杜馳赴晝夜兼行七日而至振勒兵三萬旗幟蔽野躍馬橫矛躬自突陣流矢傷懷肅額衆懼欲奔懷肅瞋目奮戈膽氣益壯於是士卒爭先臨陣斬振首江陵既平休之反鎮執懷肅手曰微子之力吾無所歸矣

胡藩為鎮軍參軍從高祖征司馬休之加建武將軍領游軍於江津徐達之敗沒高祖怒甚即日於馬頭岸渡

江而江津岸峭壁立休之臨岸置陣無繇可登高祖呼藩令上藩有疑色高祖奮怒命左右錄來欲斬之藩不受命顧曰藩寧前死爾以刀頭穿岸少容脚指於是徑上隨之者稍多既得登岸殊死戰賊不能當引退因而乘之一時奔散

劉榮祖以戰功參太尉軍從討司馬休之彭城內史徐逵之敗沒諸將意阻榮祖請戰愈厲高祖乃解所著鎧以授之榮祖率所領陷陣身被數創會賊破走加振武

將軍尋參世子征虜軍事

劉康祖為左軍將軍太祖北伐蕭斌王玄謨沈慶之入河康祖率豫州軍出許洛玄謨等敗歸魏軍引大衆南渡南平王鑠在壽陽帝患為所圍召康祖速反康祖迴軍未至壽陽數十里會魏永昌王庫仁真以長安之衆八萬騎與康祖相及於尉武康祖凡有八千人軍副胡盛之欲附山依險間行取至康祖怒曰吾受命本朝掃蕩河洛寇今自送不復遠勞王師敵兵雖多實易摧滅

吾兵精器練去壽陽裁數十里援軍尋至亦何患耶乃
結車營而進魏軍四面來攻大戰一日一夜殺戮填積
薛安都世祖孝建初為輔國將軍時豫州刺史魯爽反
安都與副將譚金追爽於小峴爽自與腹心壯騎斷後
譚金先薄之不能入安都望見爽便躍馬大呼直往刺
之應手而倒左右范雙斬爽首爽累世驍猛生習戰陣
咸云萬人敵安都單騎直入斬之而反時皆云關羽之
斬顏良不是過也

沈慶之世祖大明中為車騎大將軍討竟陵王誕每攻城輒身先士卒帝戒之曰卿為統任當令處分有方何蒙楯城下身受矢石耶脫有傷挫為損不少

武念新野人蕭思話為雍州遣龐道符統六門田念為道符隨身隊主後太府以念有健名且家富有馬召出為將世祖臨雍州念領隊奉迎時沔中蠻反世祖之鎮緣道討伐部伍至大嚴堤數千人忽至矢射平乘雨下念馳赴奮擊即時摧退即擢為叅軍督護其後每軍旋

常有戰功

殷孝祖明帝泰始中為統軍屯軍鵲洲沈冲之謂陶亮
曰孝祖驍將一戰便死孝祖與賊合戰常以鼓蓋自隨
軍中人相謂曰殷統軍可謂死將矣今與賊交鋒而以
羽儀自顯欲不斃得乎

王宜興明帝泰始中為將在壽陽關擊魏師每以少制
多挺身深入無所畏憚虜衆值宜興皆引避不敢當

冊府元龜卷三百九十四

欽定四庫全書

子部

冊府元龜卷三百九十五上至
六

詳校官中書臣羅錦森

侍讀臣孫球覆勘

總校官庶吉士臣何思鈞

校對官中書臣范鰲

謄錄監生臣孫鶴年

欽定四庫全書

冊府元龜卷三百九十五上

宋 王欽若等撰

將帥部

勇敢第二

南齊張敬兒仕宋為寧蠻府行叅軍隨同郡人劉胡領軍伐襄陽諸山蠻深入險阻所向皆破又擊胡陽蠻官軍引退蠻賊追者數千人敬兒單馬在後衝突賊軍數十合殺數十人箭中左腋賊不能抗

王廣之仕宋為寧朔軍主隸寧朔將軍劉懷珍征殷琰於壽春琰將劉從築壘拒守臺軍相守移日琰遣長史杜叔寶領五千人運車五百乘援從懷珍遣廣之及軍主辛慶祖黃回于道連等要擊於橫塘寶結營拒戰廣之等鹵薄攻營自晡至日沒大破之殺傷千餘人遂退燒其運車從聞之棄壘奔走

王宜為屯騎校尉與黃回同石顯之謀宜拳捷善舞刀楯回嘗使十餘人以水交灑不能著

周山圖為振武將軍時鎮軍將軍張永征薛安都於彭城山圖領二十人迎軍至武原為虜騎所追合戰多所傷殺虜圍轉急山圖據城自固然後更結陣死戰突圍出虜披靡不能禁眾稱其勇呼為武原將

周盤龍北蘭陵人也膽氣過人尤便弓馬隨軍討赭圻賊躬自鬪戰陷陣先登後為右將軍時魏寇淮陽圍南城盤龍子奉叔單馬率二百餘人結陣魏萬餘人張左右翼圍繞之一騎走還報奉叔已沒盤龍方食棄筋馳

馬奮稍直奔虜陣自稱曰周公來魏素畏盤龍驍名即披靡時奉叔已大殺敵得出在外盤龍不知乃衝東擊西奔南突北賊衆莫敢當奉叔見其父久不出復躍馬入陣父子兩騎縈擾數萬人魏衆大敗盤龍父子繇是名播北國

梁曹景宗為屯騎校尉督峴南諸軍事魏太武攻赭陽景宗為偏將衝堅陷陣輒有斬獲

柳慶遠自高祖義兵起雍州以慶遠為征東長史從軍

東下身先士卒

韋放為尋陽太守高祖遣兼領軍曹仲宗等攻渦

渦音戈

陽以放為明威將軍帥軍會之魏大將費穆帥眾奄至
放軍營未立麾下止有二百餘人放從弟洵驍果有勇
力一軍所仗放令洵單騎擊刺屢折魏軍洵馬亦被傷
不能進洵又三貫流矢眾皆失色請放突去放勵聲叱
之曰今日唯有死耳乃免洵下馬據胡牀處分於是士
皆殊戰莫不一當百魏軍遂退

王珍國為左衛將軍魏任城王元澄寇鍾離高祖遣珍國為援問討賊方畧珍國對曰臣嘗患魏衆少不苦其多高祖壯其言乃假節與衆軍同討焉魏軍退班師

馬仙琕為寧朔將軍天監四年王師北討仙琕每戰勇冠三軍當其衝者莫不摧破

陳昕為文德主帥右衛仗主勅遣助防義陽魏豫州刺史堯雄北間驍將兄子寶樂特為勇敢昕父慶之圍懸瓠雄來赴寶樂求單騎校戰昕躍馬直趣寶樂雄即散潰仍

陷秦城

陳慶之為文德主帥率軍二千送豫章王綜入鎮徐州後豫章王棄軍奔魏衆皆潰散諸將莫能制止慶之乃斬關夜追軍士得全

柳仲禮為司州刺史太清中侯景反陷東府城仲禮與衡州刺史韋粲皆赴援粲營壘未合為景所敗仲禮不遑胄甲與數十騎馳赴之遇賊交戰斬首數百投水死者千餘人仲禮深入人馬陷泥亦被重創自是賊不敢

濟岸

陰子春為信成將軍梁泰二州刺史與右衛將軍徐文
盛東討侯景至貝磯與景遇子春力戰嘗冠諸軍

蕭嗣鄱陽王範之子也性驍果有膽畧倜儻不護細行
而復傾身養士皆得死力範之薨也嗣猶據晉熙城中
食盡士皆乏絕侯景遣任約攻嗣時賊方盛咸勸且行
嗣按劍叱之曰今日之戰蕭嗣効命死節之秋及戰遇
流矢中頸不許拔帶箭手殺數人賊退方命拔之應時氣

絕妻子為任約所擒

陳周文育字景德高祖之討侯景文育與杜僧明為前軍克蘭裕援歐陽頎皆有功高祖破蔡路養於南野文育為路養所圍四面數重矢石雨下所乘馬死文育右手搏戰左手解鞍潰圍而出因與杜僧明等相得并力復進遂大敗之累遷智武將軍散騎常侍又高祖以侯瑱擁據溫州命文育討之仍除都督南豫州諸軍事武威將軍南豫州刺史率兵襲淦城未克徐嗣徽引齊寇渡

江據蕪湖詔徵文育還京嗣徽等列艦於青墩至於七
磯以斷文育歸路及夕文育鼓噪而發嗣徽等不能制
至旦反攻嗣徽嗣徽驍將鮑砰獨以小艦殿軍文育乘舟艤
與戰跳入砰艦斬砰仍牽其艦而還賊衆大駭因留船
蕪湖自丹陽步上時高祖拒嗣徽於白城適與文育相會
將戰風急高祖曰兵不逆風文育曰事急矣當決之何
用古法抽槩上馬馳而進衆軍從之風亦尋轉殺傷數
百人嗣徽等移營莫府山文育徒頓對之頓戰功最加

平西將軍進爵壽昌縣公并給鼓吹一部

蕭摩訶為巴山太守大建五年衆軍北伐摩訶隨都督
吳明徹濟江攻秦郡時齊遣大將軍尉破胡等率衆十
萬來援其隊有蒼頭犀角大力之號皆身長八尺膂力
絕倫其鋒甚銳又有西域胡妙於弓矢弦無虛發衆軍
尤憚之及將戰明徹謂摩訶曰若殪此胡則彼軍奪氣
君有闔張之名可斬顏良矣摩訶曰願示其形狀當為
公取之徹乃召降人有識者云胡著絳衣樺皮裝弓兩

端骨弭明徹遣人覘視知胡在陣乃自酌以飲摩訶摩

訶飲訖馳馬衝齊軍胡挺身出陣前十餘步彀弓未發摩

訶遙擲銑鏡

小鑿也

立中其額應手而仆齊軍大力十餘

人出戰摩訶又斬之於是齊軍退走九年明徹進圍宿豫

軍呂梁與齊人遇摩訶率七騎先入手奪齊軍大旗齊

衆大潰摩訶於語言恂恂長者至於臨戎對寇志氣奮

發所向無前摩訶子世廉少警俊勇敢亦有父風

魯廣達都督南豫州諸軍事南豫州刺史華皎稱兵上

流詔司空淳于量率衆軍進討軍至夏口皎舟師強盛
莫敢進者廣達首率驍勇直衝賊軍戰艦既交廣達憤
怒大呼登艦樓獎厲士卒足跌墮水沉溺久之因救得免
樊毅為梁興太守領三州遊軍隨宜豐侯蕭循討陸納
於湘州軍次巴陵營頓未立納潛軍夜至薄營大譟營
中將士皆驚擾毅獨與左右數十人當營門力戰斬十
餘級擊鼓申令衆乃定焉

樊猛字智武幼倜儻有幹畧既壯便弓馬膽氣過人在

梁以戰功為威武將軍梁安南侯蕭方矩為湘州刺史以猛為司馬會武陵王蕭紀舉兵自漢江東下方矩遣猛率湘郢之卒隨都督陸法和進軍以拒之紀已下樓船戰艦據巴江爭峽口相持久之不能決法和揣紀師老卒墮因令猛率驍勇三千輕舸百餘乘衝流直上出其不意鼓譟薄之紀衆倉卒警駭不及整列棄艦登岸赴水死者以千數時紀心膂數百人猶在左右猛將部曲三千餘人蒙盾戈直登舟瞋目大呼紀侍衛皆披靡

相枕籍不敢動手擒紀父子三人斬於艦中

後魏長孫肥道武時為鎮遠將軍善策謀勇冠諸軍每戰嘗為士卒先前後征討未嘗失敗故每有大難令肥當之

于栗磾為冠軍將軍道武畋于白登山見熊領數子道武顧謂栗磾曰能縛之乎栗磾曰若縛之不勝豈不虛斃一壯士自可驅致御前坐而制之尋皆擒獲道武顧而謝之

尉春諾之長子也明元時為司衛監後征河南督高車騎臨陣衝突所向無前賊憚之

來大千為內幢將嘗從明元校獵見虎在高巖上大千持稍直前刺之應手而死明元嘉其勇壯後從討赫連昌共長孫道生與賊交戰道生馬倒為賊所擊大千馳救眾散走大千扶道生上馬遂得免

穆顛忠謹有材力明元時為中散轉侍御郎從太武征赫連昌勇冠一時太武嘉之後為龍驤將軍曾從太武

敗於崢山有虎突出顛搏而獲之大武嘆曰詩所謂有
力如虎顛乃過之

乙瓌太武時為鎮南將軍瓌便弓馬善射手格猛獸膂
力過人從駕南征除使持節都督前鋒諸軍事每戰身
先士卒勇冠三軍

呂溫有文武材畧太武伐赫連昌以溫為幢將先登陷
陣每戰必捷以功拜宣武將軍奉車都尉

源賀為征西將軍從太武臨江為前鋒大將賀為人雄

果每遇強寇輒自奮擊帝戒之曰兵凶戰危不宜輕犯卿可運籌處分勿恃身力也又擊叛胡白龍及討吐京胡皆先登陷陣加平西將軍

陸真代人也太武以真膂力過人拜內三郎數從征伐所在摧鋒陷陣宋將王玄謨衆數萬人寇滑臺真從太武討之夜與數人乘小船突玄謨軍入城撫慰登城巡行賊營中乃還渡河至明玄謨敗走

豆代田為內三郎從討赫連昌乘勝追賊人入其營門

門閉代田踰營而出太武壯之拜為勇武將軍

苟顏為中散太武南討以顏為前鋒都將每臨敵對
戰常先登陷陣

毛猛虎為散騎常侍獻文皇興中蠕蠕犯塞從獻文討
之有武決之稱

畢衆敬為寧南將軍年已七十鬚髮皓白而氣力未衰
跨鞍馳騁有若少壯

宇文福孝文時為武衛將軍從征南陽齊遣其尚書崔

惠景黃門郎蕭衍率衆十萬來救孝文指麾將士勅福領高車羽林五百騎出賊南面奪其橋道遏絕歸路賊衆大恐六道來戰福據鞍警衆身先士卒賊不得志遂大奔潰

楊播為左將軍假前將軍隨孝文南討至鍾離師廼詔播領步卒三千騎五百為衆軍殿時春水初長賊衆大至舟艦塞川播以諸軍渡淮未訖嚴陣南岸身自居後諸軍渡盡賊衆遂集於是圍播數重播乃為陳以禦之

身自搏擊斬殺甚多相距再宿軍人食盡賊圍更急孝文在北而望之既無舟船不得救援水勢稍減播領精騎三百歷其船大呼曰今我欲渡能戰者出賊莫敢動遂擁衆而濟孝文甚壯之

奚康生為柔玄鎮都將李晃前驅軍主頻陷陣壯氣有聞由是為宗子隊主後從駕鍾離駕旋濟淮五將未渡梁衆據渚邀斷津路孝文勅曰能破中渚賊者以為直閣將軍康生時為軍主謂友人曰如其尅也得暢名績脫若

不捷命也在天丈夫今日何為不決遂便應募縛筏積柴因風放火燒其舩艦依烟直進飛刀亂砍投河溺死者甚多乃假康生直閣將軍

傅永宣武初為揚武將軍中山王英之征義陽永為寧朔將軍統軍當長圍遏其南門梁將馬仙琕連營稍進規解城圍永謂英曰凶豎豕突意在決戰雅山形要宜早據之英沉吟未決永曰機者如神難遇易失今日不往明朝必為賊有雖悔無及英乃分兵通夜築城於山

上遣統軍張懷等列陣於山下以防之至曉仙琕果至
懷等戰敗築城者悉皆奔走仙琕乘勝直趨長圍義陽
城人復出挑戰永乃分兵付長史賈思祖令守營壘自
將步軍千人南逆仙琕擐甲揮戈單騎先入唯有軍主
蔡三虎副之餘人無有及者矣突陣橫過賊射永洞其
左股永拔箭復入遂大破之斬仙琕于仙琕燒營席卷
而遁英於陣謂永曰公傷矣且還營永曰昔漢祖捫足
不欲人知下官雖微國家一帥奈何使虜有傷將之名

遂與諸軍追之極夜而返時年七十餘矣三軍莫不壯之

趙遐為滎陽太守時齊將馬仙琕率眾攻圍朐城戍主傳文驥嬰城固守以遐為別將與劉思祖等救之次於鮑口去朐城五十里夏雨頻降厲涉長驅將至朐城仙琕見遐營壘未就徑來逆戰思祖率彭沛之眾望陣奔退遐孤軍奮擊獨破仙琕斬其直閣將軍軍主李魯生仙琕先分軍於朐城之西阻水別柵以圍固城遐身自

潛行觀水深淺結草為筏銜枚夜進破其六柵遂釋固城之圍

蕭寶夔為鎮東將軍南伐梁宣武正始元年三月寶夔行達汝陰東城已陷遂停壽春之樓賢寺值賊將姜慶真內侵士民響附圍逼壽春遂據外郭寶夔躬貫甲冑率下擊之自四更交戰至明日申時賊旅彌盛時寶夔以衆寡無援退入金城又出相國東門率衆力戰始破走之當寶夔壽春之戰勇冠諸軍聞見者莫不壯之

源懷為車騎大將軍時蠕蠕南寇宣武詔懷禦之又詔
懷子直寢徽隨懷北行詔賜馬一匹細鎧一具禦稍一
枚懷拜受訖乃於其庭跨鞍執稍躍馬大呼顧謂賓客
曰氣力雖衰尚得如此蠕蠕雖畏壯輕老我亦未便可
欺今奉廟勝之規總驍悍之衆足以擒其首帥獻俘闕
下其時年六十一

楊大眼為平東將軍大眼自為將帥常身先兵士衝突
堅陣出入不疑當其鋒者莫不摧挫

楊津孝明時為大都督時賊帥鮮于脩禮攻定州賊東面已入羅城刺史閉小城東門城中搔擾不敢出戰津欲禦賊長史許被守門不聽津手劍擊被不中被乃走津開門出戰斬賊帥一人殺賊數百賊退人心少安

李崇為尚書令蠕蠕主阿那瓌率眾犯塞孝明詔崇以本官都督北討諸軍事以討之崇辭於顯陽殿戎服武飾志氣奮揚時年六十九幹力如少遂出塞三千餘里不及賊而還

裴慶孫為員外散騎侍郎時汾州吐京羣胡薛悉公馬
牒騰並自立為王聚黨作逆眾至數萬詔慶孫為募人
別將招率鄉豪得戰士數千人以討之胡賊屢來逆戰慶
孫身先士卒每摧其鋒遂深入至雲臺郊諸賊更相連
結大戰郊西自旦及夕慶孫身自突陣斬賊主郭康兒
賊眾大潰勅徵赴都除直後自是賊復鳩集北連蟲升
南通絳蜀兗徒轉盛復以慶孫為別將從軹關入討至
齊子嶺東賊帥范多范安族等率眾來拒慶孫與賊戰斬

多首乃深入二百餘里至陽胡城

賀拔岳孝莊時為衛將軍討万俟醜奴于關中醜奴自率大衆圍岐州遣行臺尉遲菩薩等向武功南渡渭水爾朱天光遣岳率騎赴之岳身先士卒擊之退走

賈智為都督隸大宰上黨王天穆征邢杲臨陣流矢中胸仍戰不已

源延伯為統軍隨叔父子恭西討戰必先鋒子恭見其年幼嘗訶制之而不能禁源子雍在夏州表乞兵援孝

莊詔延伯率羽林一千人赴之城鬪野戰武勇冠三軍
後遷龍驤將軍率領義衆還赴子雍共平黑城在甌棠
橋戰先鋒陷陣身擒維摩及至白水首摧阿非隨子雍
至都進爵浮陽伯增封百戶

爾朱兆考閔時為柱國大將軍兆果於戰鬥每有征伐
常居鋒首當時諸將伏其材力

長孫子彥西魏出帝時為中軍大都督子彥少常墜馬
折臂肘上骨起寸餘乃命開肉鋸骨流血數升言戲

自若時以為踰於闕侯

北齊彭樂為汨陽郡公肆州刺史從高祖西討與周文相拒神武欲緩持之樂氣奮請決戰曰我衆賊少百人取一不可失之也神武從之樂因醉入深被刺腸出內之不盡截去復戰身被數創軍勢遂挫不利而還神武每追論以戒之

段韶為親信都督韓陵之戰韶督率所部先鋒陷陣後從高祖禦周文帝於邙山高祖身在行間為西魏將賀

拔勝所識率銳來逼韶從傍馳馬引弓反射一箭斃其
前驅追騎懾憚莫敢前者西軍退賜馬并金

斛律光字明月金之子也少工騎射以武藝知名魏末
從金征周文帝長史莫暉者時在行間光馳馬射中之
因擒於陣光時年十七高祖嘉之即擢為都督

薛孤延為車騎將軍從高祖西伐至蒲津竇泰於河南
失利高祖班師延殿後且戰且行一日斫折刀十五口
還轉梁州刺史高祖嘗閱馬於北牧道逢暴雨大雷震地前

有浮圖一所高祖令延視之延乃馳馬按稍直前未至四十步震火燒面延喝殺繞浮圖走火遂滅延還鬚眉及馬鬃尾皆焦高祖歎曰薛孤延乃能與霹靂鬪其勇決如此

堯雄為二豫楊郢四州都督梁司州刺史陳慶之率眾逼州城雄出與戰所向披靡身被二創壯氣益厲

慕容紹宗為徐州刺史侯景叛紹宗與大都督高岳討之諸將持疑無肯先者紹宗麾兵徑進諸將從之因而

大捷景遂奔遁

高昂魏孝莊時在鄉里陰養壯士爾朱榮執送於晉陽
禁於馳牛署後榮死孝莊即引見勞勉之時爾朱世隆
還逼宮闕孝莊親臨大夏門指麾處分昂既免縲紲被
甲橫戈志凌勅敵乃與其從子長命等推鋒徑進所向
披靡帝及觀者莫不壯之即除直閣將軍尋值京師不
守乃據信都起義殷州刺史爾朱羽生潛軍來襲卷至
城下昂不暇探甲將十餘騎馳之羽生退走人情遂定

至東魏孝靜初轉司徒時高祖方有事闕隴以昂為西
南道大都督徑趨商維山道峻隘為寇守險昂轉鬪而
進莫有當其鋒者遂尅上洛獲西魏雒州刺史泉企并
將帥數十人

綦連猛為開府時突厥侵逼晉陽救猛將三百騎覘賊
遠近行至城北十五里遇賊前鋒以敵衆多遂漸退避
時賊中有一驍將超出來鬪猛遙見之即亦挺身獨出
與其相對俯仰之間刺賊落馬因即斬之

皮景和為親信副都督魏武定三年征步落稽世宗疑賊有伏兵令景和將五六騎深入一谷中值賊百餘人便共格戰景和射數十人莫不應弦而倒後從襲庫莫奚加左右大都督又從度黃龍征契丹定稽胡尋從討茹茹主菴羅辰於陁北又從平茹茹餘燼景和趨捷有武用每有戰功

楊愔為高祖行臺右丞韓陵之戰愔每陷陣先登朋僚咸共怪歎曰楊氏儒生今遂為武士仁者必勇定非虛

論

後周賀拔勝魏孝莊時為太師從太祖戰於邙山時太祖見齊神武旗鼓識之乃募敢勇三千配勝以犯其軍勝與齊神武相遇因呼之曰賀六渾賀拔破胡必殺汝也時募士皆用短兵接戰勝持稍追齊神武數里必垂及之會勝馬為流矢中死比副騎至齊神武已逸去勝歎曰今日之事吾不執弓矢者天也太祖每云諸將對敵神色皆動唯賀拔公臨陣如平常真大勇也

李弼初為魏爾朱天光別將從天光西討破万俟醜奴
弼常先鋒陷陣所向披靡賊咸畏之皆曰莫當李將軍
後為秦州刺史從太祖平弘農與齊神武戰於沙苑而
左軍將為敵所乘弼將步騎身先士卒橫截之分賊為
二遂大破之拜特進又從太祖與齊戰於河橋弼深入陷
陣身被七創遂為所獲弼陽頌絕於地守者稍懈弼睨
其傍有馬躍上西馳得免

李標為太祖帳內都督標長不盈五尺性果決有膽氣

從復弘農破沙苑標跨馬運矛衝堅陷陣隱身鞍甲之中敵人見之皆曰避此小兒太祖初亦聞標驍悍未見其能至是方嗟歎之謂標曰但使膽決如卿何必要須八尺之軀也

賀若敦為都督嘗從太祖校獵於甘泉宮時圍人不齊獸多逃逸太祖大怒人皆股戰圍內唯有一鹿俄亦突圍而走敦躍馬馳之鹿上東山敦棄馬步逐至山半便掣之而下太祖大悅諸將因得免責

劉亮以都督從賀拔岳西征嘗先鋒陷陣

若干惠為右衛將軍從太祖擒竇泰復弘農戰沙苑惠
每先登陷陣

蔡祐為平東將軍從太祖戰於河橋祐下馬步鬪手殺
數人左右勸乘馬以備急卒祐怒之曰丞相養我如子
今日豈以性命為念遂率左右十餘人齊聲大呼殺傷
甚多敵以其無繼遂圍之十餘重謂祐曰觀君似是勇
士但拖甲來降豈慮無富貴邪祐罵之曰死卒吾今取

汝頭自當封公何假賊之官號也乃彎弓持滿四面拒之東魏人弗敢逼乃募厚甲長刀者直進取祐去祐可三十步左右勸射之祐曰吾曹性命在一矢耳豈虛發哉敵人漸進可十步祐乃射之正中其面應弦而倒便以稍刺殺之因此戰數合唯失一人敵乃稍却祐徐引退又為京兆郡守東魏豫州刺史高仲密舉州來附太祖率軍援之與齊神武遇戰於邛山祐時着明光鐵鎧所向無前敵人咸曰是鐵猛獸也皆遽避之

辛威為寧遠將軍從太祖擒竇泰復弘農戰沙苑並先
鋒陷陣勇冠一時

庫狄昌為衛將軍從太祖破竇泰復弘農戰沙苑昌皆
先登陷陣

裴果魏初為陽平郡丞孝莊永安末盜賊蜂起果從軍
征討乘黃驄馬衣青袍每先登陷陣時人號為黃驄年
少至西魏文帝時從戰河橋解玉壁圍摧鋒奮擊所向
披靡大統九年又從戰邛山於文帝前挺身陷陣生擒

東魏都督賀婁烏蘭勇冠當時衆人莫不歎服以此文帝愈親待之補帳內都督又從大將軍尉遲迴伐蜀果率所部為前軍開劔閣破李慶保降楊乾運皆有功陸通初為西魏文帝大都督大統九年高仲密以地來附通從若干惠戰於邛山衆軍皆退唯惠與通率所部力戰至夜中乃陰引還敵亦不敢逼

韋祐字法保為河南尹時李延孫被害祐乃率所部據延孫舊柵頻與敵人交戰每身先士卒單馬陷陣是以

戰必被傷嘗至闕南與東魏人戰流矢中頸從口中出
當時氣絕輿至營久之乃蘇

獨孤信為別將從征韓婁信匹馬挑戰擒賊漁陽王袁
肆周

田弘為驃騎大將軍每臨陣推鋒直前身被一百餘
箭破骨者九馬被十稍朝廷壯之

權景宣為祠部郎中曉兵權有智畧從太祖拔弘農破
沙苑皆先登陷陣

王羆為驃騎大將軍鎮華州嘗脩月城未畢梯在外齊
神武遣韓軌司馬子如從河東宵濟襲羆羆不之覺比
曉軌衆已乘梯入城羆尚卧未起聞閣外洶洶有聲便
袒身露髻徒跣持一白梃大呼而出敵見之驚逐至東
門左右稍集合戰破之軌衆遂投城遁走

王思政為驃騎大將軍募精兵從獨孤信取雒陽仍共
信鎮之及河橋之戰思政下馬用長稍左右橫擊一擊
踣數人時陷陣既深從者死盡思政被重創悶絕會日

暮敵亦收軍思政久經軍旅每戰唯着破弊甲敵人疑
非將帥故免

侯莫陳崇為建威將軍隨賀拔岳入關破万俟醜奴崇
與輕騎遂北至涇州長坑及之賊未成列崇單騎入賊
中於馬上生擒醜奴於是大呼衆悉披靡莫敢當之後
騎集遂大破之岳以醜奴所乘馬及寶劍賞之

冊府元龜卷三百九十五

欽定四庫全書

冊府元龜卷三百九十五下 宋王欽若等撰

將帥部

勇敢第二

後周李遷哲為驃騎大將軍與田弘同討信州遷哲每率驍勇為前鋒所有攻戰無不身先士卒後為信州都督時蠻酋蒲微為鄰州刺史舉兵反遷哲將討之諸將以途路阻遠並不欲行遷哲怒曰蒲微蕞爾之賊勢何

能為擒獲之畧已在吾度中矣諸君見此小賊便有憚心後遇大敵將何以戰遂率兵七千進擊拔其五城虜獲三千餘口

柳檜字季華為防城都督從太祖戰於河橋先登有功王雅有膽勇善騎射太祖召入軍除都督東魏將竇泰入寇雅從太祖擒之於潼關沙苑之戰雅謂所部曰彼軍殆有百萬今我不滿萬人以常理論之實難與敵但相公神武命世股肱王室以順討逆豈計衆寡丈夫若

不以此時破賊何用生為乃擐甲步戰所向披靡太祖壯之又從戰邛山時大軍不利為敵所乘諸將皆引退雅獨迴騎拒之敵人見其無繼步騎競進左右奮擊頻斬九級敵衆稍却雅乃還軍太祖歎曰王雅舉身悉是膽也

王雄為柱國大將軍從晉公護東征至邛山與齊將斛律明月接戰雄馳殺三人明月退走雄追之明月左右皆散矢又盡唯餘一奴一矢存焉雄按稍不及明月者

丈餘

韓雄為中州刺史都督中徐虞洛四州諸軍事雄久在邊其知敵人虛實每率眾深入不避艱難前後經四十五戰雖時有勝負而雄志氣益壯東魏深憚之

王勇為寧朔將軍初從擒竇泰復弘農戰沙苑氣蓋眾軍所當必破太祖歎其勇敢拜鎮南將軍後加通直散騎常侍兼太子武衛率邛山之戰勇敢死之士三百人並執短兵大呼直進出入衝擊殺傷甚多敵人無敢

當者是役也大軍不利唯勇及王文達耿令貴三人力戰皆有殊功

王傑本名文達初魏孝武賜爵都昌縣子太祖竒其才擢授揚烈將軍羽林監尋加都督帝謂諸將曰王文達萬人敵也但恐勇決太過耳復潼關破沙苑爭河橋戰邛山皆以勇敢聞親待日隆賞賜加於倫等

高琳為衛將軍從擒莫多婁貸文仍戰河橋琳先驅奮擊勇冠諸將太祖嘉之謂之曰公即我之韓白也齊將

東方老來寇琳率衆禦之老恃其勇健直前趣琳短兵
接琳擊之老中數創乃退謂其左右曰吾經陣多矣
未見如此健兒

耿豪本名令貴為征虜將軍從太祖擒竇泰復弘農豪
先鋒陷陣加前將軍沙苑之戰豪殺傷甚多血染甲裳
盡赤太祖見之歎曰令貴武猛所向無前觀其甲裳足
以為驗不須更論級數也後從太祖戰於邛山豪謂所部
曰大丈夫見賊須右手拔刀左手把稍直刺直砍慎莫皺眉

畏死遂大呼獨入敵人鋒刃亂下當時咸謂豪歿俄然奮刃而還戰數合當豪前者死傷相繼

楊忠為安西將軍東魏荊州刺史辛纂據穰城忠從獨孤信討之信令忠為前驅馳至其城門叱門者曰今大軍已至城中有應爾等求活何不避走門者散退忠與都督康雒即乘城而入彎弓大呼纂兵莫敢禦遂斬纂以狗城中懾伏太祖召居帳下嘗從太祖於龍州忠獨當一猛獸左挾其腰右拔其舌太祖壯之北臺謂猛獸

為拚千因以字之又從太祖擒竇泰破沙苑遷征西將軍河橋之役忠與壯士五人力戰守橋敵人遂不進邙山之戰又先登陷陣除侍中驃騎大將軍魏恭帝初行同州事于謹之伐江陵忠為前軍梁人束叅於象鼻以戰忠射之二象反走及江陵平孝閔踐祚入為宗伯及司馬消難降忠與柱國達奚武援之於是共率騎士五千各兼馬一匹從間道馳入齊境前後遣三使報消難而皆不反命去豫州三十里武疑有變欲還忠獨以

千騎夜趨城下四面峭絕徒聞擊柝忠候門開而入乃馳召武時齊鎮城伏敬遠勒甲士三千據東陴舉烽嚴警武憚之不欲保城乃多取財寶以消難先歸忠以二千騎為殿到洛南皆解鞍而卧齊衆來追不敢逼武歎曰達奚武自言是天下健兒今日服矣

楊纂為征南將軍大都督從文帝解雒陽圍經河橋邛山之戰纂每先登軍中咸推其勇敢

楊紹為驍衛將軍郟城太守時稽胡恃衆與險屢為抄

竊紹率羣兵從侯莫陳崇討之疋馬先登破之於默泉之上後為輔國將軍從柱國燕國公子謹圍江陵紹為流矢中面而力戰不衰

元定魏孝武時為前將軍從擒竇泰復弘農破沙苑戰河橋定皆先鋒當其前者無不拔靡以邛山之役敵人如堵定奮稍衝之殺傷甚衆

宇文貴字永貴賀拔陵作亂圍夏州刺史源子雍嬰城固守以貴為統軍前後數十戰軍中咸服其勇敢貴每

絕而出戰

梁臺為大將軍圍雒陽久而不拔齊騎奄至齊公憲率兵禦之乃有數人為敵所執已去陣三百餘步臺望見之憤怒單馬突入射殺兩人敵皆披靡執者遂得還齊公憲每歎曰梁臺果毅膽決不可及也後為鄜州刺史年過六十猶能披甲跨馬足不躡鐙馳射弋獵矢不虛發鄭偉為北徐州刺史從戰河橋及斛王壁圍偉常先登陷陣

宇文慶為驃騎大將軍從高祖攻河陰先登攀堞與賊短兵接戰良久中石乃墜絕而復蘇帝勞之曰卿之餘勇可以賈人也

樊叔畧為驃騎大將軍從高祖伐齊叔畧部卒精銳每戰身先士卒

隋段文振少有膂力膽氣過人初為周宇文護親信知其幹用擢為中外府兵曹後從武帝攻齊海昌王尉相貴於晉州其亞將侯子欽崔景嵩為內應文振扞禦登

城與崔仲方等數十人先登文振隨景嵩至相貴所拔佩刀劫之相貴不敢動城遂下

宇文弼初為周內史都上士時武帝方計大舉伐齊弼於是募三輔俠少年數百人以為別隊從帝攻拔晉州身被三創苦戰不息帝竒而壯之後遷南司州刺史後司馬消難之奔陳也弼追之不及過陳將樊毅戰於漳口自旦至午三戰三捷虜獲三千除黃州刺史

宇文慶深沉有器局在周以應募從征有功授都督衛

王直之鎮山南也引為左右慶善射有膽氣好格猛獸
直甚壯之

史萬歲仕周為開府儀同三司從梁士彥擊尉遲迥於
相州及與迥軍相遇每戰先登鄴城之陣官軍稍却萬
歲謂左右曰事急矣吾當破之於是馳馬奮擊殺數十
人眾亦齊力官軍乃振後復坐事除名竇榮定之擊突
厥也萬歲詣轅門請自効榮定數聞其名見而大悅因
遣人謂突厥曰士卒何罪過令殺之但當各遣一將士

決勝負耳突厥許諾因遣一騎挑戰榮定遣萬歲去應之萬歲馳斬其首而還突厥大驚不敢復戰遂引軍而去

張定和為驃騎將軍從上柱國李充擊突厥先登陷陣虜刺之中頸定和以草塞瘡而戰神氣自若虜遂敗走高祖聞而壯之遣使者齎藥馳詣定和所勞問之

周羅暉為開遠將軍從大都督吳明徹與齊師戰於江陽為流矢中其左目齊圍明徹於宿預也諸將相顧莫

有闕心羅睺躍馬突進莫不披靡太僕卿蕭摩訶因而副之斬獲不可勝計進師徐州與周將梁士彥戰於彭城摩訶臨陣墮馬羅睺進救拔摩訶於重圍之內勇冠三軍

魚俱羅疊州總管以母憂去職還至扶風楊素率兵將出靈州道擊突厥路逢俱羅大悅遂奏與同行及遇賊俱羅與數騎奔擊瞋目大呼所當皆靡出左入右往返若飛以功進位柱國拜豐州總管

達奚長儒為使持節撫軍將軍通直散騎常侍平蜀之
役嘗為先鋒攻城野戰所當必破之累遷大將軍開皇
二年突厥沙鉢略可汗并弟葉護及潘那可汗衆十餘
萬寇掠而南詔以長儒為行軍總管率衆二千擊之遇
於周槃衆寡不敵軍中大懼長儒慷慨神色愈烈為虜
所衝突散而復聚且戰且行轉鬪三日五兵咸盡士卒
以拳毆之手背見骨殺傷萬計虜氣稍奪於是解去長
儒身被五創通中者二其戰士死傷者十有八九突厥

本欲大掠秦隴既逢長儒兵皆力戰虜意大沮明日於戰處焚屍慟哭而去

裴仁基少驍勇便弓馬開皇初為親衛平陳之役先登陷陣

陳永貴隴右胡人本姓白氏以勇烈知名高祖甚親愛之數以行軍總管鎮邊每戰必單騎陷陣

斛斯萬善為武賁郎將突厥始畢之圍鴈門也萬善奮擊之所向皆破每賊至必出當其鋒

賀若誼開皇中為涇州刺史時突厥累為邊患朝廷以誼素有威名拜靈州刺史進位柱國誼時年老而筋骨不衰猶能重鎧上馬為北狄所憚

楊素仕周為車騎大將軍從齊王憲拔晉州憲屯兵雞棲原齊主以大軍至憲懼而宵遁為齊兵所躡眾多敗散素與驍將十餘人盡力死戰憲僅而獲免至高祖開皇十八年為靈州道行軍總管出討突厥先是諸將與虜戰每慮胡騎奔突皆戎車步騎相參鼻鹿角為方陣

騎在其內素謂之曰此乃自固之道非取勝之方也於是悉除舊法令諸軍為騎陣突厥達頭可汗聞之大喜率精騎十餘萬而至素奮擊大破之達頭被重創而遁殺傷不可勝計羣虜號哭而去

韓洪字叔明擒虎季弟平陳之役授行軍總管及陳平晉王大獵於蔣山有猛虎在圍中衆皆懼洪馳馬射之應弦而倒陳氏諸將列觀於側莫不歎伏焉

元壽為行軍元帥長史壽每遇賊為士卒先登

錢拔為車騎將軍從楊素北征突厥加上開府煬帝即位漢王諒反於并州又從楊素擊之每戰先登

楊義臣為太僕卿時征遼東以將軍詣肅慎道至鴨綠水與乙友文德戰每為先鋒一日七捷

楊屯大業中應募擊高麗力戰於遼東見稱勇敢宇文述之敗也煬帝夜焚攻具詰朝遁還恐為高麗所躡選壯士殿後以捍禦之及將度遼而高麗追至屯先登力戰其功居最

閻毗領武賁郎將典宿衛煬帝軍圍遼東城令毗詣城
下宣諭賊弓弩亂發矢中所乘馬毗顏色不變辭氣抑
揚事卒而去

冊府元龜卷三百九十五下